



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Offertorio, Secretis, Præfationibus, & Canone. XII.

**urn:nbn:de:hbz:466:1-40214**

In Vigiliis autem quæ veniunt infra Octauas, & habent Symbolum, non tamen dicitur Symbolum, sicuti neque Hymnus Angelicus; quod habetur in Missali, ex simili Rubrica, in

Missa Litaniarum maiorum in Festo sancti Marci, eadem enim est ratio in his Feris maioribus: imò à fortiori, si non in Rogationibus, ergo nec in Vigiliis, quibus illæ præstant.

### De Offertorio, Secretis, Praefationibus, & Canone. XII.

**i** Post Symbolum, vel si non sit dicendum, post Euangelium, dicitur Dominus vobiscum, Oremus, deinde Offertorium: postea fit oblatio cum Orationibus, ut in Ordine Missæ. Quia oblatione facta, dicuntur Orationes secretae, secundum numerum Orationum quæ clara voce in principio dictæ sunt: sed ante primam Orationem non dicitur Dominus vobiscum, nec aliquid aliud, sed dicto, Suscipiat Dominus Sacrificium, absolute dicuntur. neque etiam ante secundam Orationem dicitur Oremus. Terminatur autem prima & ultima Oratio, ut dictum est suprà in Rubrica de Orationibus: & secretò dicuntur usque ad illa verba in conclusione, Per omnia secula seculorum, quæ clara voce proferuntur, & incipitur Praefatio.

**o** Dicitur Dominus vobiscum.] Ordo Roman. & introitum demonstrati ad aliud Officium, dum salutat Sacerdos operarios suos, Amalar. lib. 3. cap. 19. inuitatur quoque ad Orationem monet, nisi Dominus sit nobiscum, non posse nos orare, Innocentius III. lib. 2. cap. 53.

**p** Oremus.] Ordo item Rom. quo docemur, ut stabiles sumus in fide, quam professi sumus in Symbolo, Steph. Eduen. de Sacram. Altar. cap. 12. vel precamur, ut voluntarium Sacrificium acceptabile sit Domino, nec despiciatur cum sacrificio Cain, Amalar. loco citato.

**q** Deinde Offertorium.] Ordo Romanus, & in Antiphon. sancti Gregorij nomen hoc habetur. Porro Offertorium, auctore Isidoro lib. 6. Etymol. cap. 19. quasi ob fertum. fertum enim dicitur oblatio, quæ in Altari offeruntur. Fertum, siue feretum, ait Festus,

genus libi dictum, quod crebrius ad Sacra ferebatur. Vel dicitur Offertorium, ab offerendo, quia tunc oblationes fiunt, Innocent. III. lib. 2. cap. 53. vel est offerentium Canticum, Gemm. anima lib. 1. c. 97. Offerendam vocat etiam Amalar. lib. 3. cap. 36.

Quis auctor? Cælestinus, ex Demochare Tom. 4. cap. 15. Eutychianus, ex Petro ab Opmeer de Off. Missæ, sanctus Gregorius, ex Gemma an. lib. 1. cap. 88. inclinauerat prior in hanc sententiam VV alafrid. Strabo c. 22. Ordo sanè conueniens, inquit Innoc. suprà: nam sequitur prædicationem Euangeli fides in corde, laus in Offertorio, fructus in Sacrificio. Addit Alcuin. cap. de Celebr. Missæ ad imitationem populi Israël hoc fieri, qui oblationes & vota cum laude Deo offerre consueverat.

**r** Orationes secretae.] Quia secretò dicuntur, Amalar. lib. 3. cap. 20. Ordo

do Romanus eas hoc nomine vocat. [ Secundum numerum Orationum.] Habet Radulph. Prop. 23. & ante eum Beleth. cap. 43.

t Non dicitur Dominus, &c. ] Iam enim dixit Sacerdos, Dominus vobis-  
cum, & Oremus, ante Offertorium.  
quæ salutatio & inuitatio antiquitus  
erat ordinata ad Orationem secretam;  
& ante illam ab Offertorio nulla pror-  
sus interponebatur Oratio, vt notat  
*Microl. cap. 11.* secundum usum Ro-  
manum. Orationes enim, quæ nunc  
dicuntur in oblatione, habent origi-  
nem à Gallicana Ecclesia, vt dicimus  
tit. 7. part. 2. *Rubricarum generalium*,  
vbi de ipsa oblatione.

u Neque dicitur Oremus. ] Burch-  
tum quia dictum est ante Offerto-  
rium; tum quia eius vice proximè an-  
tē dicitur, *Orate fratres*; tum quia (&

hæc est magis propria ratio) Orationes  
secretæ dicenda sunt. Quis dicat ergo  
Oremus? an alta voce? inconcinna in-  
terruptio: an submissa voce? quos in-  
uitamus non audientes. omittimus  
igitur conuenientius.

x Terminatur autem prima, &c. ]  
Burchard. ijsdem de causis quibus su-  
præ de Commemorationibus, tit. 7. n. 7.  
& de Oratione, tit. 9.

y Per omnia secula saeculorum. ]  
Non est hoc initium Præfationis, si  
propriè loquamur, sed finis Orationis  
vult *Innoc. III. lib. 2. cap. 61.* esse  
finem Orationum, & esse principium  
Præfationis, vt ostendatur, ait, Chri-  
stus lapis angularis, qui fecit utraque  
vnum, propeque passionem Iudeos  
continens, & Gentiles, qui per Philip-  
pum adierunt Iesum, *Ioan. 12.* sed de  
nomine videretur quæstio.

z Præfationes autem dicuntur ut in Ordine Missæ annotatum est: & quæ  
in Quadragesima, Tempore Passionis, & Paschali, & infra Octauas  
proprietate signantur, dicuntur etiam in Dominicis & Festis quæ illis  
temporibus celebrantur: nisi illa Festa propriam Præfationem habeant.

A Prefationes. ] Hoc est, Prælocu-  
tiones ante Canonem, *Alcuin. de Ce-  
lebratione Missæ*. Originem habent ab  
Ecclesiæ primordijs, ex *Clem. lib. 8.*  
*Conf. Apost. cap. 16.* Dionysium au-  
torem facit *Honor. in Gemma lib. 1.*  
*cap. 89.* & Leonem Papam, *ibid.* Præ-  
fationis communis auctorem Gel-  
sium dicit *Alcuin. loco citato*. aut can-  
tari iussit, ut ait *Gemma*, aut fortè li-  
mavit: quæ tamen habetur in Liturgia  
*S. Petri Græca*.

Nouem Præfationes enumerat ut  
antiquas, & approbat Pelagius Pa-  
pa II. Epist. 4. nimilrum, Palchalem,  
de Ascensione Domini, de Penteco-  
ste, & de Natali Domini ( quæ dicitur

etiam in Missa de Sacramento Altaris,  
ex *Radulph. loc. cit.* ) de Epiphania,  
de Apostolis, de Sancta Trinitate, de  
Cruce, de Ieiunio Quadragesimali,  
*Sigeber. de Pelagio ad annum Dom. 581.*  
& can. *Inuenimus. de Consecr. Dist. 1.*  
& hoc fortasse ordine compositæ fue-  
runt nam ordine temporis positæ sunt  
in Missali, quo eas cantari contingit.  
His, teste Radul. *ibidem*, addidit de-  
cimam de beata Virgine Maria Urba-  
nus II. in Concilio Placentiæ celebrato  
anno 1095. ex *Baron. vel ex Bellarm.*  
*lib. 2. de Miss. c. 17 anno 1080,* & ha-  
betur can. *Sanctorum. §. final. Dist. 70.*  
Angeli vero omnes in Præfatione no-  
minantur implicitè in verbo *Virgines*,

F ex

*ex Alcuin. loco citato; quia Dominus Virtutum, id est Angelorum, ipse est Rex gloriae, Psalm. 23. ideoque nominantur paulò ante consecrationem, quia creduntur Sacrificio adesse, Microl. cap. 11.*

*Sursum corda, de Ieremia sumptum est. Legit Clem. Const. lib. 8. cap. 16. Sursum mentem. ex quo datur intelligi, corda esse causus accusatiui. Gratias agamus, de Apostolo, Radul. loco citato. Beata Seraphim, Alcuinus legit Seraphin, & vult esse plurale generis neutrius, Seraphim autem esse generis masculini; illud ab Hebreis, hoc à Græcis deriuare. Sed fallitur; quia in Liturgia S. Petri legitur Seraphim per m., generis neutrius. Miror Caroli Magni magistrum hæc minutiora persequi; sed minima Dei maxima sunt, & maximè obseruanda. Pleniorum Præfationis declarationem lege apud Duran. lib. 2. cap. 31.*

Concluditur Præfatio Hymno trisagio, seu Angelico, quem Victorialem Liturgia S. Petri, Triumphalem SS. Iacobus & Marcus in Liturgijs, Cherubicum S. Germanu in Theoria, Alcuinus Primænum, vocant. Et quamvis vulgo huius Hymni, Sanctus, Sanctus, Sanctus, &c. feratur auctor sanctus Sixtus; hic quidem Decreto firmavit, vt, Sacerdote incipiente, populus prosequeretur; sed anteā erat in vsa in Liturgijs prædictis. & meminit Clemens libro 8. Constitut. s. 16. desumptus autem est partim ab Isaia 6. partim ab Evangelio Mat. 21. in quo Trinitas adoratur in unitate; & benedicitur incarnatio Verbi, quod venit in nomine Domini. Addidit sanctus Ignatius illud, Benedictus qui venit, &c. si credimus Remigio Antisiodorensi in expositione Missæ. Bis dicitur

*Hosanna, id est, Salua quæsio, ab antiquis temporibus, Ordo Romanus. semel Angelorum nomine, semel nostro; quia Hymnus hic partim ab Angelis, partim ab hominibus concinitur, vt per Christum immolatum genus humanum sociatum fuisse Angelis fateamur, Gemma cap. 42. lib. 1. Concilium autem Valense can. 6. statuit, vt diceretur in omnibus Missis, etiam Defunctorum.*

a *Quæ in Quadragesima.*] Etiam in Ferijs Præfationem Dominicæ dici, scribit *Microl. cap. 50.*

b *Et Paschali.*] Eamdem recitari Præfationem usque ad Ascensionem, tradit *Microl. cap. 55.*

c *In Dominicis & Festis, &c.*] Generale est Præfationum, vt eorum temporibus & diebus in omni Missa continentur, ubi propriæ non habentur, *Radulph. Propos. 23.* per quod patet ratio sequentium Rubricarum num. 3. & 4. Excipe Festum sancti Ioannis Evangelistæ, cui datur Præfatio de Nativitate ex antiquo usu Cappellæ Papalis, licet habeat Præfationem propriam; & item diem Octauam sancti Stephani, quæ est infra Octauam sancti Ioannis, in qua dicitur Præfatio de Nativitate, in gratiam eiusdem Nativitatis.

Excipe quoque Missam de Feria præuilegiata, vt Litaniarum Maiorum in Festa S. Marci, ex Rubrica propria; & Missam Feriæ quartæ Temporum occurrentem in Octaua Nativitatis beatæ Virginis, in quibus dicitur Præfatio communis, ita sacra Rituum Congregatio die 12. Decembris 1626. & à simili Missam Vigiliæ S. Ioannis, seu Apostolorū infra Octauam Corporis Christi, seu in die Octaua: & ratio est, quia prædictæ Missæ sunt Feriales, in quibus dissonaret cantus solemnis

Prafa-

Præfationis, puta, de Corpore Christi (Ferialis cantus non habetur eiusdem in Missali) & ideo, sicut in Missa solemnni Præfatio communis non potest non cantari; ita etiam in Missa priuata de Vigilia communis Præfatio recitari debet. Præterea congruit commun-

natio Præfationum festiuarum alijs Festis, & Votiuis (quæ aliqualem habent rationem Festi) non autem Ferijs, & Vigilijs: vnde de iis *in seq. num. 3. & 4.* regula datur; de his nihil in Rubricis: nihil, inquam; ut non dicas esse casum omissum.

3 *Si infra Octauam alicuius Festi, quod habet Præfationem propriam, occurrat Festum ex maioribus non habens propriam Præfationem, dicitur Præfatio de Octaua, quamvis de ea nulla fiat commemoration in Missa.*

4 *In Missis Votiuis dicitur etiam Præfatio propria, si propriam habeant: si vero non habuerint, dicitur Præfatio de Tempore, vel Octaua, infra quam contigerit huiusmodi Missas celebrari: alioquin Præfatio communis. Et quando aliqua Missa Votua pro causa publica soleniter celebratur, dicitur<sup>d</sup> in cantu solemnii, ut in Duplicibus. In Missis Defunctorum quocumque tempore semper dicitur Præfatio communis.*

<sup>d</sup> *In cantu solemnii.* ] Qui nimirum assignatur Festis Spiritus sancti, Trinitatis, sanctæ Crucis, sanctæ Mariæ, &c. demptis verbis quæ non congruunt Votuæ Missæ, ut, in Præfatione solemnii de Spiritu sancto, omitenda sunt ea verba in cantu, hodierna die, quæ conueniunt tantum Festo Pentecostes, non Votuæ Missæ. Monendum hoc loco, Votuas Missas infra Octauam Nativitatis Domini non habere aliam Præfationem, quam de Nativitate, sicut & Festum S. Ioannis, argumento a fortiori: & item, quod Præfatio de tempore, & de die, idem sonat in hac Rubrica.

5 *Post Præfationem incipitur<sup>e</sup> Canon Missæ secretò; in quo seruentur omnia ut in Ordine Missæ. Vbi vero<sup>f</sup> infra actionem,<sup>g</sup> Communciantes, & Hanc igitur, vel alia, variari contingit, suo loco in proprijs Missis adnotatur.*

<sup>e</sup> *Canon.* ] Id est Regula. Canon vox usurpata à sancto Gregorio lib. 11. Epist. 16. qui & Precem nominauit lib. 7. Epist. 63. Regulam vocat Ecclesiasticam Ambros. in Epist. ad Timoth. cap. 2. Legitimum, Optatus Mileuit. lib. 2. contra Parmen. Secretum, Basilius de Spiritu sancto c. 27. Ordinem precum, Isidor. 1. de Diuinis Officijs cap. 15. & à Dionys. loco citato dicitur Actio, quia ex VValafr. cap. 22. in ea

actione est legitimus Ordo, & Regula fixa & stabilis ad Sacra menta confi cienda. Auter illius nescitur. antiquior est Ordine Romano, in quo habetur Canon, ut iam usitatus; & in Liturgia sancti Petri totus habetur, sed partim auctus, saltem Sanctorum nominibus, post mortem Petri. Antiquior est omni memoria, inquit Bellarmin. mox citan. loco. & quia nulla ibidem fit mentio Confessorum, pro-

44 Comment. in Rubr. Missalis. Pars I. Tit. XII.

bat idem lib. 2. de Missâ cap. 20. fuisse finitum totum ante Concilium Magnaticum, in quo Festa Confessorum habentur. Putat Innoç. III. lib. 3. c. 10. finitum ante S. Siluestrum. Tamen ultimus, qui addidit Canoni, fuit S. Gregorius, ut dicimus: à quo, loco citato, dicitur fuisse à Scholastico compotus. quem putant esse Gelasium doctrina clarissimum, Innoç. III. lib. 3. c. 10. & Honor. in Gemma an. lib. 1. cap. 90. De Musæo Massiliensi dubitat Pamelius in Liturgijs, qui Scholastico sermone scripsit librum Sacramentorum circa annum 490. Vel de Victoriano Voconio Mauritanæ Episcopo, qui composuit Sacramentorum volumen, & vixit inter tempora SS. Hieronymi, & Gregorij Papæ. Sed sicuti verè compotus fuit à pluribus, ex Domini verbis; ex Apostolorum traditionibus, & sanctorum Pontificum institutionibus, iuxta Concilium Tridentinum Sessione 22. cap. 4. ita pars eiusdem antiquior est altera, ut patebit ex auctoribus singularium partium, de quibus in II. Parte Rubricarum generalium titulo VIII. & seq. agemus commodiūs.

f Infra actionem.] Hoc est Canonem, ob rationem suprà allatam.

g Communicantes, &c.] Varietas hæc habetur in libro Sacramentorum S. Gregorij. Microl. cap. 12. hæc habet: In summis Festiuitatibus quædam Canon in illo loco, ubi dicitur, Communicantes, vel, Hanc igitur oblatio-

nem, interponimus; quæ tamen ex antiquioribus & emendationibus Sacramentarijs interponenda esse dидicimus; videlicet in Natiuitate Domini, in Epiphania, in Cœna, in Pascha, in Ascensione, in Pentecoste. quæ sanè cum nostris Missalibus cōcordant. Dantur autem casus, quod separari debeat Communicantes à sua Prefatione; nam infra Octauam Ascensionis, si occurrat Festum sanctorum Philippi & Iacobi, Praefatio erit de Apostolis, Communicantes de Ascensione, licet in Missa nulla fiat commemoratio; idemque accidere potest in Inventione S. Crucis, & in Missis solemnibus Votivis, quæ dicuntur infra eandem Octauam, & habent Praefationem propriam.

Ratio vero est, quia Communicantes habet infra illam Octauam quasi rationem de tempore; sicut haberet etiam Praefatio de Octaua in prædictis Festis, si propriam Praefationem non haberent, ut dicitur in titulo hoc eodem num. 3. & 4. Et licet nulla fiat Commemoratio de Octaua, dicitur tamen Communicantes, sicut in Officio dicitur ad Primam, & in fine Hymnorum in prædictis Festis,

*Qui victor in celum redit.*

Neque enim idem vnitur Communicantes Praefationi, ut simul vel dicantur, vel omittantur; sed ut facilius utrumque reperias. Atque ita decreuit tandem sacra Rituum Congregatio die 28. Augusti 1627.

De Communione, Orationibus post Communionem,  
Ite missa est, vel, Benedicamus Domino, de Benedictione, & Euangeli S. Ioannis. XIII.

<sup>1</sup> **E**xpleto Canone, & alijs omnibus usque ad Communionem, ea peracta dicitur <sup>b</sup> Communio, & <sup>c</sup> Orationes post Communionem, eodem